



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za ljudska prava, imigraciju, izbjeglice i azil

Broj: 01/5-011-453/03

Sarajevo, 3.6.2003. godine

Z A P I S N I K

12. sjednice Komisije za ljudska prava, imigraciju, izbjeglice i azil, održane 1.6.2004. godine, s početkom u 14,00 sati.

Sjednici Komisije prisustvovali su:

- Elmir Jahić, predsjedatelj Komisije,
- Tihomir Gligorić, drugi zamjenik predjedatelja,
- Nadžida Mlaćo, član Komisije
- Selim Bešlagić, član Komisije,
- Muhamed Altić, član Komisije.
- Marija Perkanović, član Komisije.

Sjednici nisu prisustvovali: g. Martin Raguž, prvi zamjenik predsjedatelja; g-đa Ruža Sopta, član Komisije i Munib Jusufović, član Komisije.

Od gostiju, sjednici Komisije je prisustvovao g. Slobodan Nagradić, pomoćnik ministra za ljudska prava BiH.

Za sjednicu je usvojen sljedeći

D n e v n i r e d:

1. Usvajanje zapisnika 11. sjednice,
2. Rasprava o Prijedlogu zakona o izmjeni Zakona o ombudsmanima za ljudska prava BiH - predlagatelj Predsjedništvo BiH,
3. Razmatranje prijedloga zaključaka zastupnika: prof. dr. Zlatka Lagumdžije, g-đe Seade Palavrić i g. Milorada Živkovića iznesenih u raspravi na 36. sjednici PD PS BiH, o listi kandidata za generalske pozicije u institucijama obrane Bosne i Hercegovine,
4. Obraćanja stranaka Komisiji,
5. Upoznavanje s Orijentacionim radnim planom Zastupničkog doma Parlamentarne skupštine BiH
6. Tekuća pitanja.

Ad. – 1. Usvajanje zapisnika 11. sjednice Komisije

Nakon usvajanja dnevnog reda, predsjedatelj Komisije Elmir Jahić predložio je raspravu i usvajanje zapisnika 11. sjednice. Nije bilo diskusije po ovoj točki.

Kako nije bilo diskusije po ovoj točki dnevnog reda, predsjedatelj Komisije predložio je usvajanje zapisnika, pa je Komisija jednoglasno usvojila zapisnik 11. sjednice Komisije.

Ad. – 2. Rasprava o Prijedlogu zakona o izmjeni Zakona o ombudsmanima za ljudska prava BiH - predlagatelj Predsjedništvo BiH,

U uvodnom izlaganju za drugu točku dnevnog reda predsjedatelj Elmir Jahić ukazao je na činjenice da je Komisija za ljudska prava, imigraciju, izbjeglice i azil Zastupničkog doma Parlamentarne skupštine BiH (u daljnjem tekstu: Komisija) primila je 15.3.2004. godine akt predsjedatelja Zastupničkog doma Parlamentarne skupštine Bosne i Hercegovine broj: 01,02-02-3-25/04, iz kojeg je vidljivo da je Kolegij Zastupničkog doma Parlamentarne skupštine Bosne i Hercegovine kao nadležnu za Prijedlog zakona o izmjenama Zakona o Zakona o ombudsmanu za ljudska prava Bosne i Hercegovine (u daljem tekstu: Zakon), predlagatelja Predsjedništva BiH, odredio ovu komisiju. Ustavno-pravna komisija Zastupničkog doma Parlamentarne skupštine BiH je, aktom broj 01/1-50-26-26/04, dana 30.04.2004. godine, dala mišljenje o Zakonu i jednoglasno utvrdila da postoji valjan ustavno-pravni osnov za donošenje navedenog zakona, koji je sadržan u članku IV. točka 4. a), da je ponuđeni tekst usklađen s Ustavom Bosne i Hercegovine i smatra da se ponuđeni tekst može uputiti nadležnoj komisiji Zastupničkog doma Parlamentarne skupštine BiH u daljnju zakonodavnu proceduru. Predsjedatelj je predložio raspravu po ovoj točki.

U raspravi su, osim predsjedatelja, učestvovali i g. Tihomir Gligorić, g. Selim Bešliagić, kao i predstavnik predlagatelja, Predsjedništva BiH (Vijeća ministara tj. Ministarstva za ljudska prava i izbjeglice BiH) g. Slobodan Nagradić.

Na sjednici je prvo raspravljano o principima i članovima predloženog zakona. Članovi Komisije su primili k znanju Zaključke Predsjedništva Bosne i Hercegovine, dostavljene kao akt broj 01-123-8/04 od 28.1.2004. godine, kojima je Predsjedništvo BiH dalo punu podršku instituciji Ombudsmana za njegovo neovisno djelovanje u skladu s Zakonom o ombudsmanu za ljudska prava BiH, te kojim konstatuje da ombudsmani za ljudska prava BiH trebaju imati isti status kao nositelji najviših pravosudnih dužnosti na nivou BiH i kojim se utvrđuje Prijedlog izmjene Zakona.

Nakon opće rasprave, Komisija je jednoglasno podržala principe predloženog zakona. Ona je konstatirala da na predloženi tekst Zakona nije bilo amandmana.

Nakon rasprave, komisija je jednoglasno prihvatila tekst zakona, kako ga je predložilo Predsjedništvo BiH. Ujedno je zaključila da je predloženi zakon neophodno donijeti, te ga upućuje Zastupničkom domu Parlamentarne skupštine Bosne i Hercegovine u daljnju proceduru usvajanja. U smislu odredbi članka 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi Komisija je imenovala predsjedatelja Elmira Jahića.

Ad. - 3. Razmatranje prijedloga zaključaka zastupnika: prof. dr. Zlatka Lagumdžije, g-đe Seade Palavrić i g. Milorada Živkovića iznesenih u raspravi na 36. sjednici ZD PS BiH, o listi kandidata za generalske pozicije u institucijama obrane Bosne i Hercegovine,

U uvodu za ovu točku dnevnog reda, predsjedatelj Komisije je upoznao prisutne da je Komisija primila je 13.5.2004. godine akt predsjedatelja Zastupničkog doma Parlamentarne skupštine Bosne i Hercegovine broj: 01-50-1-15-36/2004 u svezi liste kandidata za

generalske pozicije u institucijama obrane BiH. Predsjedatelj je podsjetio da je iz navedenog akta je vidljivo da je Zastupnički dom Parlamentarne skupštine BiH na 36. sjednici održanoj 11. svibnja 2004. godine donio zaključak da ova komisija i Zajednička komisija za obrambenu i sigurnosnu politiku i nadzor nad radom obrambenih struktura na nivou Bosne i Hercegovine, za narednu sjednicu Zastupničkog doma dostave izvješće o prijedlozima zaključaka povodom pitanja koja su u raspravi o ovoj problematici istaknuta.

On je ukazao na činjenicu da je prije održavanja sjednice pribavljen transkript diskusije s 36. sjednice Zastupničkog doma Parlamentarne skupštine BiH, a na sjednicu je pozvan predstavnik Predsjedništva BiH.

Kako na sjednici Komisije nije bilo predstavnika Predsjedništva BiH radi davanja uvodnih napomena po ovom pitanju, predsjedatelj Komisije je predložio diskusiju.

Članovi Komisije su raspravljali o zaključcima koje su Zastupničkom domu Parlamentarne skupštine BiH po ovoj problematici uputili zastupnici: prof. dr. Zlatko Lagumdžija, g-đa Seada Palavrić i g. Milorad Živković, kao i o ukupnoj problematici postavljanja generala u institucije obrane Bosne i Hercegovine. Konstatirano je da su zaključci prihvatljivi i dobri, ali se neki međusobno preklapaju, pa ih je potrebno preciznije izraziti. U raspravi su, sem predsjedatelja, učestvovali: g. Selim Bešlić, g. Tihomir Gligorić, g-đa Marija Perkanović, g. Muhamed Altić

Nakon opće rasprave, Komisija je utvrdila i jednoglasno donijela slijedeće zaključke:

- 1. Daje se podrška svim nastojanjima koja vode Partnerstvu za mir na Samitu u Istanbulu i traži se od svih institucija u Bosni i Hercegovini da izvrše svoje obaveze i na taj način omoguće ispunjenje tog cilja.**
- 2. Komisija smatra da se procesi provjere za imenovanja u Oružane snage BiH moraju voditi u skladu s relevantnim međunarodnim i domaćim pravnim aktima (Europskom konvencijom o zaštiti ljudskih prava i osnovnih sloboda, Pravilima Rimskog puta, Ustava BiH i zakona ove zemlje).**
- 3. Komisija konstatira da proces provjere generala nije bio transparentan i nije vođen u skladu s principima o poštivanju ljudskih prava i temeljnih sloboda.**
- 4. Komisija smatra da se zakonom stečena prava iz radnog odnosa kao i prava koja se odnose na socijalni status ne mogu uskraćivati u procesu provjere.**
- 5. U želji da se osigura suradnja između institucija BiH, smatramo da je neophodno prisustvo predlagača ili njegovog zastupnika na sjednicama Zastupničkog doma Parlamentarne skupštine BiH radi što kvalitetnijeg obrazloženja ponuđenih rješenja, uključujući i Predsjedništvo BiH.**

U smislu odredbi članka 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi po ovom pitanju Komisija je imenovala predsjedatelja Komisije g. Elmira Jahića.

Ad. - 4. Obraćanja stranaka Komisiji,

U uvodnom izlaganju po ovoj točki dnevnog reda predsjedatelj Komisije je prisutne podsjetio na važnu djelatnost Komisije, na rješavanje zahtjeva stranaka. Ujedno je ukazao na odredbu poslovnika da se može raspravljati o predstavci samo ako predmet predstavke nije u sudskom postupku ili ako je u sudskom postupku, ali ombudsmeni u BiH ukazuju ma

odugovlačenje postupka. Predložio je da tajnik Komisije detaljnije članove Komisije obavijesti o pristiglim novim predstavkama.

Tajnik Komisije je ukazao na postojanje već zaprimljenih predstavlki, te predložio da se raniji predmeti privode kraju, a za neke nove da se formiraju grupe. Aktuelni su predmeti: Habibe Šarić, Zvezdana Zahirović, Marka Tomšića i Momčila Krajišnika.

Nakon diskusije u kojoj su prisustvovali članovi Komisije zaključeno je:

- a) za predmet Šarić Habibe, izabrana skupina treba što prije konačno riješiti predmet s točke razmatranja o povredi ljudskih prava i sloboda,**
- b) u predmetu stranke Zahirović Zvezdana potrebno je odgovoriti pismeno stranci, a dopis bazirati na već pristigloj dokumentaciji. Skupinu za analizu slučaja čine: g. Muhamed Altić i g. Selim Bešlić.**
- c) U predmetu stranke Momčila Krajišnika skupinu će činiti: g. Muhamed Altić i g. Bešlić, a u radu traži se i učešće zastupnika g. Miloša Jovanovića.**
- d) Za predmet stranke Marka Tomšića dogovoreno je da se stranci odgovori da je predmet preuranjen, da stranka treba predati predmet nadležnoj instituciji, te u slučaju spora pokrenuti sudski postupak pred nadležnim organom, te ako i tada bude smatrala da su joj povrijeđena ljudska prava i slobode, tada se može obratiti Komisiji.**

Ad. 5. Upoznavanje s Orijentacionim radnim planom Zastupničkog doma Parlamentarne skupštine BiH

Na inicijativu predsjedatelja Komisije, tajnik Komisije je prisutne upoznao s aktom predsjedatelja Zastupničkog doma PS BiH broj 01-50-3-46/04 od 13. svibnja 2004. godine i Orijentacionim radnim planom Zastupničkog doma. Nakon upoznavanja s ovim aktom, nije bilo diskusije od članova Komisije. Oni su Orijentacioni radni plan Zastupničkog doma primili k znanju.

Ad. – 6. Tekuća pitanja.

U vezi ove točke dnevnog reda, g. Muhamed Altić se osvrnuo na pitanje obilazaka općina, te podsjetio da sutra grupa odlazi u Bos. Grahovo, a prekosutra u Bihać.

Završavajući ovu točku dnevnog reda, Komisija je završila svoju 12. sjednicu. Sjednica je završena u 13,00 sati.

TAJNIK KOMISIJE

dr. Zijad Hasić

PREDSJEDATELJ KOMISIJE

Elmir Jahić